



UNIVERSITÄTS-  
BIBLIOTHEK  
PADERBORN

# **Claudii Fleurii Abbatis Historia Ecclesiastica**

Ad annum Christi 1563

**Fleury, Claude**

**August. Vind. [u.a.], 1771**

**VD18 90118618**

§. 57. Hoc responsum approbatum, & acceptatum.

---

[urn:nbn:de:hbz:466:1-66653](https://nbn-resolving.org/urn:nbn:de:hbz:466:1-66653)

Sæcul. XVI.  
A. C. 1563.

„cat, proculque semper ab omni conta-  
„gione pestilentis doctrinæ remotus sit,  
„ut tandem uberrimos fructus, at-  
„que utilitates Majorum suorum glo-  
„riæ, & Christianorum omnium expe-  
„ctationi pares reddere valeat: nec mi-  
„nus eadem Synodus illam rogat, ut  
„auctoritate sua, quæ maximi in Re-  
„gno debet esse ponderis, apud omnes  
„Franciæ Ordines omnem adhibeat co-  
„natum, quatenus hæretici concilia-  
„tis animis ad unitatem Ecclesiæ re-  
„vocentur. Ceterum quacunque in  
„re Synodo licuerit Reginæ studium  
„ad Religionem restituendam juvare,  
„nunquam passura est, ut quidquam in-  
„dustriæ, ac pietatis suæ desiderari  
„possit: ideo præter communem Ec-  
„clesiæ universæ correctionem, tem-  
„porum conditioni consentaneam, suam  
„quoque operam navabit, ut ea præ-  
„scribantur, quæ ex afflatu Sancti Spi-  
„ritus ad Gallicarum Ecclesiarum utili-  
„tatem conferre cognoverit.,

§. LVII.

*Hoc responsum approbatum, &  
acceptatum*

*Pallav. c. 3.  
n. 10.*

Præquam hæc responsio in usum  
deduceretur, eadem in Congrega-  
tione die septimo Junii habita præle-  
gebatur præsentibus cunctis Patribus,  
quibus



Sæcul. XVI.  
A.C. 1563.

quibus ea, quæ ipsis minus probarentur, corrigendi libertas dabatur, ubi quilibet suam mentem edicebat, prout unusquisque aut æquitatis amore, aut præconceptæ opinionis impetu regebatur: nonnulla tamen mutabantur, ac de Reginæ Administratricis zelo erga veram Religionem modestior sermo inspergebatur, minusque asperis verbis perfringebatur pax, quam Franciæ Rex cum Regni sui hæreticis pro ditionis tranquillitate se inire fuisse coactum sibi persuaserat: itaque factis hisce mutationibus, ac levibus additionibus responsio promulgabatur (\*).

§. LVIII.

(\*) Equidem Continuator hac super re Pallavicinum, & illum quidem unicum allegat, hic tamen de factis ejusmodi mutationibus, aut asperitatis moderatione, seu pacis initæ excusatione ne verbum quidem habet: nihil autem circa hæc mutatum fuisse potius ex his ejusdem Pallavicini verbis colligi potest, oportuit, inquit ille, ut aliqua certa responsio excogitaretur, idque summa habita ratione, dum varii Patres, & præsertim Hispani denuntiabant Legatis, se obstituros, si vel unica apponeretur syllaba, quæ consensionem ullam de recentè concordia præferret.

Postea